

tenentes, ad ea libenter intendimus, per qua Cœnobia, & alia religiosa Loca, in quibus prudentes Virgines accensis lampadibus se præparent obviam ituræ Sponso Jesu, in quarum Societate aliæ quoque Mulieres spectis mundi vanitatibus, gratum, & debitum Deo exhibeant famulatum, ubique gentium, sed præsertim in hac Alma Urbe nostra, in qua sicut in universi Orbis magistra, veræ fidei, & religionis documenta relucent, ita universa divinæ Majestati accepta opera exerceri summo opere desideramus, construuntur, & eriguntur; idque ut facilius succedat, ac personæ ad id opportuna auxilia exhibentes a Nobis gratias, & favores reportasse letentur, opem, & operam impendimus efficaces, ac in his Officii nostri partes libenter impartimur, prout conspiciamus in Domino salubriter expedire.

Causa hujus Consultationis.

§.1. Sane cum sicut accepimus, alias postquam Nos Ecclesiam Sanctorum Viti, Modesti, & Crescentiæ Martyrum Regionis Montium de Urbe, Confraternitati Sacerdotum, & aliorum utriusque sexus Christianifidelium Sancti Bernardi de dicta Urbe canonice instituta, cum facultate, & licentia pro eisdem Confratribus ibidem erigendi Monasterium Monialium sub Regula Sancti Benedicti Congregationis S. Bernardi Cisterciensis Ordinis, pro pauperibus Puellis, quæ spectis mundi illecebris, Christo earum sponso perpetuum famulatum exhibere optarent, concesserimus, prout in nostris, de super confectis literis plenius continetur, dilecti filii Prior, & Custodes, ac Confratres ejusdem Confraternitatis ibidem Monasterium, cum Choro, Dormitorio, Hortis, Hortaliis, & aliis necessariis, construi, & ædificari procuraverint, illudque adeo commodum reddiderint, ut infra octavam Conceptionis Beate Mariæ Virginis proxime præterite nonnullæ Puellæ Deo dicatæ, per Deputatos ejusdem Confraternitatis approbatæ, in Moniales ipsius Monasterii, juxta laudabilem illius normam receptæ, admittantur, & introductæ extiterint. Tamen quia sicut etiam accepimus, ultra trecentas per ipsos Deputatos jam visitatas in eadem Urbe, alius ingens, ac infinitus numerus pauperum Puellarum minorum sex decim annis, quæ ob earum minorem ætatem infra annum probationis juxta Concilii Tridentini decreta expressam professionem emittere, ac in Moniales recipi nequeant, reperitur; & pleræque adfunt, quæ si ætatem decem annorum excedant, vel utroque parente orbate, seu Neophytæ, aut illegitimæ genitæ non sint, aut si habeant parentes, & consanguineos honestæ conditionis & famæ, ab Archihospitalis Sancti Spiritus in Saxia, Sanctorum Quatuor Coronatorum, S. Catherinæ de Rosa, alias miserabilium, & S. Basilii Neophytarum respectivè nuncupatarum prædictæ Urbis Monasteriis, juxta eorundem Monasteriorum statuta, privilegia, & indulta eis desuper concessa penitus excluduntur, Puellæque hujusmodi, ac etiam nonnullæ hone-

stæ viduæ, quæ a maritali vinculo solutæ in coelibatu sub clastro pudoris, & continentia, vitam cælebem sibi libenter statuerent, si in aliquo Monasterio, Collegio, aut loco recipi possent; quo fit, ut locum receptionis non inveniunt, non sine maximo earum virginitatis, honoris, & pudoris periculo in sæculo remanere cogantur. Quibus (sicut pariter accepimus) dicti Confratres permoti, habita inter eos pluries matura deliberatione, cogitarunt, quod si Collegium unum, in quo pauperes Puellæ, & Viduæ honestæ hujusmodi, quæ in aliis prædictis Monasteriis recipi non possunt, recipebantur, & admitterentur, ac cum timore Dei una cum aliis Puellis dicto Collegio minime onerosis, quæ ibidem sicut in pluribus aliis Monasteriis, & Locis Piis consuevit, recipi, & admitti possent, educarentur, erigeretur, & institueretur, ac construeretur, & una duorum millium ex testamento quondam Marci Antonii Mureti Junioris Clerici Lemovicensis Diocesis, sub die vigesima nona Septembris proxime præteriti condito pauperibus Puellis vitam regularem profiteri cupientibus legata, & arbitrio dilectorum filiorum Ludovici Rivaldi Presbyteri dictæ Diocesis, & Marci Antonii Lanfranci Veronensis dicti Marci Antonii hæredum, & executorum, ac altera mille, pauperibus Puellis orphanis, nuptui tradendis arbitrio eorundem Ludovici, & Marci Antonii Lanfranci juxta tractatum, seu conventionem, inter Priorem, Custodes, & Confratres, necnon Ludovicum, & Marcum Antonium Lanfrancum hujusmodi desuper initam, seu initam, & factam, seu factam, necnon reliqua summa trium millium respectivè scutorum de Julis decem pro quolibet scuto, Collegio sic erigendo hujusmodi per dilectam in Christo filiam Magdalenam Stroziam Anguillarum, sub certis modo, & forma in Instrumento donationis desuper confecto donatæ, necnon quæcumque res, & bona per quoscumque Christianifideles, etiam causa testamenti, codicillorum, donationis, aut alias ipsis viventibus donata, & concessa, seu donanda, & concedenda eidem Collegio erigendo, applicarentur, & appropriarentur, profecto, non solum publicæ utilitati consuleretur, sed exinde plures ex dictis Puellis Domino famulatum perpetuum exhiberent, reliquæ vero facilius nuptui traderentur, elemosynæque, & alia pietatis opera, tam ab ipsis Confratribus, quam aliis utriusque sexus Christianifidelibus verisimiliter in dies ibidem erogarentur, & au-

§.2. Nos igitur, qui nostris potissimum temporibus, quantum cum Deo possumus, quascumque virgines, & honestas Viduas in numero prudentum adscribi, ac dictæ Confraternitatis incremento consulere sinceris desideramus affectibus, Priorem, Custodes, & Confratres prædictos, ac eorum singulos quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homi-

Rectio Collegii pauperum Virginum, & honestarum Viduarum, apud Monasterium Monialium S. Bernardi.

homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, necnon testamentorum, codicillorum, ac inter Priorem, Custodes, & Confratres, ac Ludovicum, & Marcum Antonium Lanfrancum, ac etiam per Magdalenam prædictos, ut præfertur, initorum, & transactorum, aliorumque quorumcumque instrumentorum, & donationum factorum tenores, & veriores, præsentibus pro expressis habentes, Motu proprio non ad Prioris, Custodum, & Confratrum prædictorum, vel alicujus eorum pro eis super hoc Nobis oblata petitionis instantiam, sed de nostra mera liberalitate in dicto Monasterio Sancti Bernardi, ut præfertur, constructo, seu prope illud, aut alibi, ubi pro tempore forsan transferri contigerit, unum Collegium pauperum Puellarum virginum, & honestarum Viduarum bone, & honestæ conditionis & famæ, in quo puellæ, & Viduæ ipsæ, ne paupertate oppressæ, dæmonis arte in vitiorum sordes prolabantur, recipi, ac separatim a commercio Monialium pie, & caritative regi, & educari, ac sub Domini timore, virtutumque exercitiis, ac Christianis moribus, & institutis instrui, necnon inibi quousque juxta cujuslibet eorum inclinationem, voluntatem, ac devotionem, sive alia honesta ratione, per dictæ Confraternitatis Confratres provivum fuerit, habitum per Moniales dicti Monasterii gestari solitum susceperint, & professionem per easdem emitti solitam expressè emittere proposuerint, aut alias nupserint, permanere possint. Ita tamen quod quoties aliquam ex dictis Puellis, & virginibus, ac Viduis e dicto Collegio, vel voti religionis, vel matrimonii contrahendi causa egredi contigerit, liceat Priori, & Visitatoribus, ac Confratribus ejusdem Confraternitatis, nunc & pro tempore existentibus, aliam Puellam & virginem, seu Viduam modo præmissa qualificatam loco egressæ, aut alias juxta facultates dictæ Confraternitatis, ipsorumque Prioris, Visitatorum, & Deputatorum arbitrio ibidem collocare, subrogare, & substituere pro eorundem Puellarum, ac Viduarum, perpetuis usu, & habitatione, una cum Ecclesia præfata Sanctorum Viti, Modesti, & Crescentiæ Martyrum, vel alia ubi pro tempore, ut præfertur, dictum Collegium, & Monasterium transferri contigerit, ad eorundem Monasterii, & Collegii usum, in qua Missa celebrari, ac Sacramenta Ecclesiastica ministrari, cadavera, tam ipsarum quam etiam ejusdem Monasterii Monialium Ecclesiasticæ sepulture tradi, & verbum Dei prædicare valeant, cum campanili, & campani, necnon refectorio, Dormitorio, hortis, & hortaliis, aliisque necessariis ad ejusdem Collegii usum jam constructis, & construendis. Ita quod in dicto Collegio sic erigendo nonnullæ aliæ Puellæ Virgines, & honestæ Viduæ eidem Collegio minime onerosæ, sed potius utiles, atque etiam per

pro tempore Visitatores ejusdem Collegii approbandæ, pro salubri earundem educatione, ad instar aliorum Monasteriorum similes Puellas recipientium, & admittentium, recipi, & admitti valeant sine alicujus præjudicio, Apostolica auctoritate tenore præsentium, perpetuo erigimus, & instituiimus.

§.3. Ac eidem Collegio sic erecto, omnes, & singulas pecuniarum summas per Marcum Antonium Muretum juniorem, juxta sui testamenti dispositionem, ac etiam Instrumentorum, conventionum, inter dictos Priorem, & Confratres, ac Ludovicum, & Marcum Antonium Lanfrancum præfatos, quam etiam Legati, donationis dictæ Magdalene, ut præfertur factorum, necnon quæcumque res, & bona quoscumque Christianifideles eidem Collegio relinquenda, & eroganda. Ita quod dictæ Confraternitatis Prior, Visitatores, & Confratres, nunc & pro tempore existentes, seu ab eis deputati, vel deputandi illorum omnium corporalem, realem, & actualem possessionem libere apprehendere, & perpetuo retinere, illaque omnia ad Monasterii, & Collegii usum, necnon personarum inibi pro tempore existentium, & degentium manutentionem convertere valeant, cujusvis licentia minime requisita, auctoritate, & tenore præfatis, etiam perpetuo applicamus, appropriamus, concedimus, & assignamus.

Applicatio bonorum e largitorum, & largiendorum a Christianifidelibus.

§.4. Eisdemque Priori, Officialibus, Visitatoribus, & Confratribus, ut sacerdotes ex approbatis ab examinatorebus pro tempore existentibus dictæ Urbis Vicarii provecæ etatis, doctrina, vita munditia, & morum honestate, religionisque zelo præditos, & a Protectore dictorum Collegii, & Monasterii pro tempore existente approbandos, qui personarum omnium in dictis Monasterio, & Collegio erecto hujusmodi, ut præfertur, degentium confessiones audiant, Ecclesiastica sacramenta administrant, quique, & de idoneis verbi Dei concionatoribus, qui illas in spiritualibus præceptis, & documentis, ac sanctis consiliis ad viam Domini instruere possint, omnino providere. Quique una cum ejusdem Confraternitatis Priore, Custodibus, Visitatoribus, & aliis officialibus pro tempore existentibus, & ad id forsan deputatis, & deputandis, de qualitatibus puellarum, & viduarum inibi, etiam pro educatione recipiendarum, & admittendarum cujuscumque status, gradus, ordinis, conditionis, vel nationis fuerint, accurate, & diligenter quoties id a præfata Confraternitate, sive illius Officialibus, Visitatoribus, & Confratribus præfatis requisiti fuerint, inquirere. Ac denique, circa examen, & approbationem earum, quæ nedum educationis hujusmodi causa, verum quoque pauperum puellarum, & honestarum viduarum hujusmodi, quas ibidem pro tempore educari, ac ad susceptionem habitus regularis, & professionem admitti, necnon matrimonio collocari contigerit, consulere debeant

Concessio officialibus Officialibus dicti Monasterii, & Collegii pro ejus totali regimine.

beant. Ac pro feliciori dictorum Monasterii, & Collegii gubernio, & statu, ac ut puella pauperes, & honeste viduae hujusmodi facilius instruantur, & educantur, de consensu, & consilio tamen dilecti filii nostri Michaelis tituli Sanctae Mariae supra Minervam Cardinalis Alexandrini nuncupati, moderni, ac pro tempore existentis dictae Confraternitatis, Protectoris, & Visitatorum hujusmodi unam ex eis in Abbatissam, quae caput omnium existat, post tamen dilectae in Christo filiae Maurae Perfectae Machabaeae, alias de mandato nostro ex Monasterio Monialium S. Caeciliae Regionis Transyberim de eadem Urbe Ordinis Sancti Benedicti, in quo triginta octo annos laudabiliter vixerat, pro eisdem puellis, & mulieribus in sic noviter erecto, & instituto Monasterio, receptis, & pro tempore recipiendis in vita, & institutis regulatibus dicti Ordinis instruendis, necnon ipsius Monasterii cura, & administratione gerendis, & suscipiendis translata. Et nuper in illius Abbatissam benedictae, & consecratae obitum. Quam ex nunc ob eius virtutum merita, bonosque mores, & exemplarem vitam, ac attento quod elapso primo, & subsequenti triennio nulla Monialis in praefato noviter constructo Monasterio, juxta dispositionem Concilii Tridentini, pro illo, ut convenit, regendo forsitan qualificata reperitur, nec aliqua alia regularem disciplinam in eo cum bono odore, & spirituali consolatione personarum in illo existentium introductam manuteneat melius quam eadem Maurae poterit, eidem noviter erecto Monasterio in Abbatissam ad ejus vitam dicta auctoritate praeficimus, sibi que illius curam, regimen, & administrationem, in spiritualibus, & temporalibus plenarie committimus, una cum congruo aliarum officialium, & ministrarum numero ad certum tempus eis benevisum eligendi, ac etiam quoties opus, & expediens erit, concurrente majori, vel saniori parte Monialium pro tempore existentium ejusdem Monasterii juxta formam dicti Concilii confirmandi, & etiam confirmationem reiterandi, vel tempore hujusmodi finito illas omnino amovendi, & postmodum alias amotarum hujusmodi loco subrogandi, & deputandi: Ita tamen, quod electio hujusmodi, tam juxta formam, & tenorem regulae Ordinis Sancti Benedicti, quam Constitutiones, & Ordinationes, ac decreta jam forsitan per Confratres dictae Confraternitatis, & seu Visitatores deputatos ejusdem desuper edita, & edenda. Et quoad gubernium, constitutionem, & educationem Monialium, & puellarum, ac viduarum hujusmodi, ac exercitia, tam spiritualia, quam temporalia inibi jam forsitan praescripta, & a dicto Michaeli Cardinale Protectore approbata, seu praescribenda, & approbanda, necnon pro felici regimine, gubernio, & administratione confratrum Confraternitatis, Monasterii, & Collegii praefatorum, aliarumque personarum omnium, rerum, & bonorum Confraternitatis Mo-

nasterii, & Collegii hujusmodi Priori, Officialibus, & aliis ad id ab eadem Confraternitate deputatis, & pro tempore deputandis, quaecumque statuta, licita tamen, & honesta, ac sacris canonibus, praesertim decretis ipsius Concilii non contraria, toties quoties, & quando expediens videbitur, edendi, condendi, & faciendi, illaque edita, condita, & facta, prout ratio, vel utilitas exegerit, aut fuerit necessitas, pro tempore mutandi, alterandi, & in melius reformandi, aliaque etiam de novo faciendi licentiam, & facultatem, eisdem auctoritate, & tenore similiter perpetuo concedimus, & elargimur. Quae postquam condita, alterata, & mutata, ac edita, & reformata, ac a praefato nunc, & pro tempore existente Protectore approbata, & confirmata fuerint, eo ipso dicta Apostolica auctoritate confirmata sint, & esse censentur.

§.5. Ac spem jam conceptam habentes, quantum Urbis nostrae praefatae, & universae Christianae Republicae utilitatis afferent Monasterium, & Collegium sic per Nos erecta, & instituta, illa ac eorum personas, res, & bona, ipsamque Confraternitatem, & Confratres Sancti Bernardi, sub nostra, & pro tempore existentis Romani Pontificis, & Sedis Apostolicae praefatae, in spiritualibus, & temporalibus protectione pariter perpetuo recipimus, & admittimus, ac ab omni jurisdictione, superioritate, visitatione, correctione, dominio, & potestate Venerabilis fratris nostri Jacobi Portuensis Cardinalis de Sabellis nuncupati, moderni, ac etiam pro tempore existentis in eadem Urbe Vicarii generalis, & illius Vicegerentis, ac Locatenentium, & Officialium quorumcumque, necnon Abbatum, Visitatorum, & Superiorum totius Ordinis S. Benedicti, & praesertim Congregationis S. Bernardi dicti Ordinis, ac pro tempore existentis Rectoris Parochialis Ecclesiae, in qua Monasterium, & Collegium hujusmodi nunc sita sunt, & pro tempore erunt, etiam circa sacramentorum administrationem, penitus, & omnino, ac perpetuo eximimus, & liberamus, ac Monasterium, & Collegium hujusmodi prorsus exempta, & libera a Vicarii nostri, ac Abbatum, Visitatorum, & Superiorum praefatorum, ac Parochialis jurisdictione, & superioritate, esse & fore statuimus, & decernimus.

§.6. Et insuper, ut Monasterium, & Collegium hujusmodi, non solum manuteneantur, verumetiam in dies incrementum suscipiant, tam Ecclesias S. Bernardi prope Columnam Trajanam, & Sanctorum Viti, Modesti, & Crescentiae praefatas, ac alias Ecclesias pro tempore dictorum Confraternitatis, Monasterii, & Collegii existentes, necnon tam Confraternitatem, Monasterium, & noviter erectum Collegium, quam illorum Protectorem, Priorem, Custodes, Visitatores, aliosque Officiales, & Confratres, necnon Abbatissam, Moniales, aliasque ipsius Collegii novi-

Exemptio a jurisdictione, & superioritate etc. Vicarii Urbis, & aliorum omnium.

Elargitio Indulgentiarum pro visitationibus Ecclesiarum, vel ibi celebrantibus, aut celebrari facientibus.

novi-

noviter erecti personas, & nunc, & pro tempore existentes, universosque alios utriusque sexus Christiani fideles, S. Bernardi, & Sanctorum Viti, Modesti, & Crescentiae Ecclesias praedictas, ut supra devote visitantes, necnon missas in eis, vel earum aliquibus celebrantes, seu celebrari facientes, quovis modo, & quocumque totius anni die in perpetuum, ad communicationem & participationem, etiam per extensionem omnium, & singulorum privilegiorum, facultatum, immunitatum, exemptionum, praerogativarum, antelationum, indulgentiarum, etiam plenariorum, & peccatorum remissionum, ac quorumcumque aliorum favorum, & gratiarum, tam spiritualium, quam temporalium, tam dictae Confraternitati Cathecumenorum, quam quibusvis Cisterciensis, & Sancti Benedicti respective Ordinibus, eorumque Monasteriis, & Conventibus, domibus, Abbatibus, Monachis, Fratribus, Protectoribus, pueris, puellis, Confessoribus, & Monialibus, ac eorum, & earum Ecclesiis, Capellis, aliisque Ministris, & Officialibus, necnon etiam Christianis fidelibus dictas Ecclesias, seu Capellas visitantibus, & visitaturis, per Nos, & quoscumque Romanos Pontifices, & praecipue fel. record. Paulum Tertium, suo Dat. Romae 13. Id. Februarii, Pontificatus sui anno septimo, quomodolibet obtentorum, & concessorum, quoad ea, quae hactenus revocata non fuerunt, nec sub ullis revocationibus sunt comprehensa, ac quibus dictae Ecclesiae Confraternitas, & loca pacifice hucusque usi sunt, ac utuntur, & gaudent, & quae eidem Concilio non sunt contraria, similiter perpetuo recipimus, & admittimus, ac illa eis communicamus, & ad eos ea extendimus, ac etiam de novo quatenus opus sit, eis concedimus, in omnibus, & per omnia, perinde, ac si dictis Ecclesiis, & Capellis Sancti Bernardi, ac Sanctorum Viti, Modesti, & Crescentiae Martyrum, necnon Confraternitati, Monasterio noviter erecto, & Collegio praedictis, ac eorum Protectori, Priori, Custodibus, Officialibus, Confratribus, Abbatissa, Monialibus, Confessoribus, & aliis pueris, & puellis, ac personis, necnon Christianis fidelibus supra dictas Ecclesias S. Bernardi, ac Sanctorum Viti, Modesti, & Crescentiae, ac alias Ecclesias, ut supra visitantibus, ac missas, in eis, vel earum aliqua, celebrantibus, vel celebrari facientibus, concessae forent.

§.7. Praeterea ne Confraternitas, Monasterium, & Collegium hujusmodi, diversis Urbis Tribunalibus vexentur, dictum Michaellem Cardinalem, & pro tempore existentem dictorum Confraternitatis, Monasterii, & Collegii Protectorem, ac Prioris, Custodum, ac aliorum Officialium, Confratrum, ac Ministrorum, necnon Abbatissae, Monialium, Puellarum, aliarumque personarum eorumdem, pro tempore, quo in dictis Monasterio, & Collegio steterint, quoad omnes, & singulas lites, causas, quaestiones, controversias, differen-

Jurisdicctio Card. Protectoris & Judicis omnium causarum dicti Monasterii & Collegii, eorumque personarum etc.

tias, & molestias civiles, & criminales, ac mixtas, tam active, quam passive hactenus forsitan motas, & in futurum quomodocumque movendas, super bonis, rebus, juribus, & actionibus quibuscumque ad Confraternitatem, Monasterium, Collegium, & Ecclesias Sanctorum Bernardi, Viti, Modesti, & Crescentiae, ac alias Ecclesias praedictas, ac ad Moniales, Puellas, & alias personas supra dictas, nunc, & pro tempore quomodolibet spectantia, in Judicem ordinarium, cum eisdem facultatibus, indultis, privilegiis, antelationibus, & potestatibus quibus Protectores Confraternitatum Orphanorum, Cathecumenorum, S. Catherinae de la Rosa, ac Sanctissimi Crucifixi, ac deputati fabricae Basilicae Principis Apostolorum de dicta Urbe utuntur, potiuntur, & gaudent, ac uti, potiri, & gaudere poterunt quomodolibet in futurum. Ita etiam quod in causis discussionum, & alias quando de restituendo res, & bona quaecumque de cetero eidem Monasterio, & Collegio relicta, & donata, seu vigore praesentium, aut alias quomodolibet acquisita, prioribus, & posterioribus creditoribus agi censebitur, Confratres, ipsi nisi coram dicto Michaeli Cardinale, & pro tempore dictae Confraternitatis Protectore ad iudicium trahi non debeant, sed facta obligatione per Priorem, Custodes, & Camerarium dictae Confraternitatis, in eventum, quod alia bona ubilibet sita, & quovis modo possessa non reperiantur, Michael Cardinalis, & pro tempore existens Protector hujusmodi illa eidem Confratribus, & respective creditoribus, etiam de facto, & sine strepitu, vel figura iudicii, neque expectata sententia, aut sine liti, tradi, & consignari mandet, & procuret, etiam perpetuo constituimus, & deputamus.

§.8. Et ne etiam Monasterium, & Collegium hujusmodi dum cura in temporalibus dictae Confraternitati, ejusque Confratribus, & Officialibus commissa est, in spiritualibus aliquod detrimentum sentiant, eidem Confratribus pro triennio, seu alio eis benevisso tempore, tres Sacerdotes auctoritate, & rerum gerendarum experientia, pietateque graves, qui Visitatores nuncupentur, & nostras, ac dicti Vicarii, Vicegerentis, Locatenentium, & illius officialium hujusmodi vices gerant, dictisque Monasterio, & Collegio, illius Abbatissae, Monialibus, puellis, personis, rebus, & bonis praefatis in spiritualibus praesint (salva tamen in omnibus supra dictis jurisdictione Urbis Vicarii in casibus, in quibus Episcopi, tamquam Sedis Apostolicae delegati, auctoritate dicti Concilii in Monasteria, quantumvis exempta, & praecipue circa eorum clausuram, jurisdictionem exercent, & ad eos specialis, & particularis approbatio Sacerdotum, & Confessorum electorum spectet, & pertineat eligendi, & deputandi, ac postquam electi fuerint, electionis, & deputationis hujusmodi confirmatio ad Nos, & successores nostros, vel dictum Michaellem Cardinalem, & pro tempore existentem dictae Confraternitatis Pro-

Facultas Visitatorum Monasterii & Collegii praedictorum.

Protectorem pertineat, quotiesque sibi videbitur, finito triennio, seu alio tempore deputacionis hujusmodi illos, prout tempus, & necessitas exposulaverit, confirmandi, ac etiam amovendi, & illorum loco alios collocandi, & deputandi facultatem impartimur, Nosque hac prima vice pro proximo triennio, ab hodie incipiendo, & ut sequitur, finiendo, de Michaelis Cardinalis Protectoris prefati assensu, idem munus dilectis filiis Petro Fulvio Presbytero Romano utriusque juris Doctori moderno Priori, Joanni Daddo Canonico Basilica S. Mariae Majoris, & Annibali Summano Sacrae Theologiae professori dictae Confraternitatis Confratribus committimus. Ipsosque in eorundem Collegii, & Monasterii Visitatores, Correctores, & Moderatores creamus, constituimus, & deputamus. Dantes eis auctoritatem omnia, & singula faciendi, mandandi, corrigendi, puniendi, reformandi, & exequendi, quae ad spirituale regimen personarum in dictis Monasterio, & Collegio degentium, illorumque felix incrementum, & gubernium expedire, atque opportunum esse censuerint. Ita ut persona in dictis Monasterio, & Collegio vitam degentes, in pia, & religiose vitae sinceritate, & puritate, per sollicitam eorum operam foveantur, & conserventur, temporalia vero bona ex circumscripta dictae Confraternitatis cura bene atque utiliter administrentur.

Privilegium pauperum puellarum, quod adhibetur ad subsidia dotium, quae per diversas Confraternitates, & loca pia dari solent.

§.9. Porro ipsas puellas quas paupertate oppressas in hujusmodi Collegio collocari contigerit, speciali privilegio insignire intendentes, quod ubi pauperes puellae hujusmodi aliena expetere auxilia coactae fuerint, quibus adveniente aetate legitima, qua, vel Monasteria ingredi, vel matrimonio collocari censuerint, quascumque dotes, & auxilia pia, tam ab Annunciationis Beatae Mariae supra Minervam, Conceptionis, Consalonis, & aliis Archiconfraternitatibus, & Confraternitatibus, necnon Ecclesiis, Oratoriis, & locis piis, quam quibuscumque utriusque sexus personis, usque ad summam honestam, & eisdem Priori, & Visitatoribus bene visam petere, impetrare, obtinere, seque ad hunc effectum in rotulis, & listis Archiconfraternitatum, Confraternitatum, Ecclesiarum, Oratoriorum, locorum piorum, necnon personarum hujusmodi adscribi facere, & procurare, & deinde postquam dictae puellae, seu earum aliqua, dotes, & auxilia hujusmodi obtinuerint, seu ad id adscripta fuerint, quod tam illae, quae dictum Monasterium ingredi, & jam ingressae sunt, quam etiam quae matrimonio collocari voluerint, dotes, & auxilia hujusmodi eis quomodolibet procurata, promissa, & acquisita omnino lucrari, percipere, & exigere debeant. Illaque omnia una cum praemissis dotibus, & legatis, factis, & faciendis, eisdem Monasterio, & Collegio perpetuo concedimus, pauperesque hujusmodi puellas, dotium, auxiliorum piorum, ac legatorum, & donationum praefatorum factorum, & faciendorum quibuscumque, etiam Motu pari emanatis prohibitionibus, vel statutis, etiam

juramento, confirmatione Apostolica, vel quavis firmitate alia roboratis, non obstantibus, capaces omnino facimus, reddimus, & declaramus. Mandantes omnibus, & singulis Custodibus, Camerariis, & quibuscumque Officialibus dictarum Archiconfraternitatum, quae dotes, & auxilia pia hujusmodi pauperibus puellis dare, & assignare consueverunt, quod ex nunc dotes promissas puellis jam dictum Monasterium ingressis, & profiteri cupientibus, & statim postquam professae fuerint Priori, Custodi, & Camerario pro tempore existentibus dictae Confraternitatis Sancti Bernardi, acsi ipsa dictum Monasterium ingressae, seu matrimonio collocatae, de consensu, & licentia Archiconfraternitatum, & locorum piorum hujusmodi existissent, dare, & cum effectu persolvere, ac deinceps pauperes ipsas puellas in dicto Collegio pro tempore degentes, ad subventionem dotium, & auxiliorum hujusmodi admittant, & admitti procurent, & deinde tam puellis profiteri cupientibus, quam matrimonio collocandis, dotes eis promissas, & deinceps promittendas Priori, & Officialibus hujusmodi, dare, & cum effectu solvere debeant, nec ad id, & sub praetextu decretorum, privilegiorum, aut aliorum quorumcumque statutorum, Archiconfraternitatum, Confraternitatum, Ecclesiarum, Oratoriorum, & piorum locorum hujusmodi quomodolibet concessorum, contradicere audeant, seu praesumant, etiam licentia eorundem Confraternitatum, & locorum piorum hujusmodi minime obtenta, neque petita. Ne autem super praemissis, vel illorum aliquo, in futurum quomodocumque, vel quavis de causa pro validitate dubitari contingat.

§.10. Volumus, ac etiam mandamus, quod quaecumque ordinationes, instrumenta, donationes, tam inter vivos, quam causa mortis, testamenta, codicilli, & quaecumque alia documenta, scripturae, & folia, facta, & facienda, per, & inter quaecumque utriusque sexus personas, etiam si mulieres nuptae, ac minores viginti annis fuerint, ac testatae, vel intestatae decesserint, etiam de bonis suis disponere prohibita, nisi adhibita certa forma, & solemnitate requisita, a jure, vel ab homine, seu statutis, novisque reformationibus Urbis, seu obtenta a Romano Pontifice desuper licentia, de quibusvis eorum bonis quomodocumque acquisitis, & acquirendis, de quibus in favorem Confraternitatis, Monasterii, & Collegii hujusmodi testari, legari, codicillari, vel inter vivos, aut causa mortis, aut alias quomodolibet disponi contigerit. Quodque tam Marci Antonii junioris Strozzi de Anguillaria, aliaque, ut praefertur, facta, & legata, quam quaecumque alia donationes, testamenta, codicilli, voluntates, instrumenta, scripturae, & documenta ad favorem Monasterii, Collegii, & Confraternitatis hujusmodi jam facta, & facienda, perinde valeant, ac si eorum effectum, acsi coram Notario publico, & legitimo testium numero, adhi-

Indultum circa relictam Monasterio, & Collegio praedictis, & eorum validitatem.

adhibitisque omnibus de jure requisitis, qualitatibus, & solemnitatibus facta fuerint, nec Monasterium, Collegium, & Confraternitas hujusmodi de eisdem bonis in testamentis, legatis, codicillis, donationibus, & aliis voluntatibus, ac dispositionibus, instrumentis, documentis, & scripturis eisdem Monasterio, Collegio, & Confraternitati pro tempore relictis, donatis, datis, cessis, & applicatis, aliquam partem Camerae Apostolicae, vel Monasterio Convertitarum in eadem Urbe, etiam juxta dispositionem indultorum fel: record: Leonis Decimi, Clementis Septimi, & Pauli Tertii, aliorumque Romanorum Pontificum Praedecessorum nostrorum, seu Fabricae dictae Basilicae Principis Apostolorum, aut quibusvis aliis personis, & Ecclesiis dare minime teneantur, sed bona ipsa, ut supra pro tempore relictia, vel donata Confratres ipsi libere, & integre recipere, ac eorum possessionem apprehendere, & perpetuo retinere, ac in eorundem Monasterii, Collegii, & Confraternitatis usus, & utilitatem convertere libere, & licite valeant, etiam cujusvis licentia minime requisita.

Approbatio ordinationum factorum, & faciendarum, a Confraternitate, etiam si regulae S. Bernardi sint contrariae.

§.11. Decernentes Ordinationes, Constitutiones, & Statuta hucusque a praefata Confraternitate facta, necnon Instrumenta, donationes, testamenta, codicillos, scripturas, ac etiam, prout illa concernunt, omnia, & singula in dictis Ordinationibus, Constitutionibus, Statutis, Capitulis, Instrumentis, donationibus, testamentis, codicillis, tam factis, quam faciendis, & aliis scripturis contenta, & inde secuta quaecumque, licita tamen, & honesta, maxime ea circa licentiam edendi carnes, & alios cibos in refectorio quolibet die Dominico, tertia, & quinta ferrii, & aliis diebus arbitrio supradictorum Visitatorum, & circa usum omnium pannorum lini, & etiam cubilis, videlicet cum subucula tantum, & linteaminibus, ac etiam Breviarum Romani cum proprio Congregationis Sancti Bernardi dicti Cisterciensis Ordinis, ita quod ad recitationem Officii Beatae Virginis Mariae non teneantur. Quo vero ad praescriptionem horarum ad divina officia, tam diurna, quam nocturna recitanda, & quaecumque alia exercitia, spiritualia, & temporalia anno singulo facienda juxta Visitatorum, & Abbatiae hujusmodi dispositionem, & ordinationem, ac ea quae jam forsan decreta, & descripta in libro Constitutionum, & Statutorum ipsius Confraternitatis in pergamento, etiam quod sint contrariae regulae Sancti Benedicti, hujusmodique praesentium tenore approbamus, & confirmamus, ac illis perpetuae firmitatis robur adhaeremus, fieri, & observari debere.

Validatio dispositionum favorabilium eisdem Monasterio, & Collegio.

§.12. Ac suppletentes omnes, & singulos juris etiam communis, & municipalis, & facti etiam quarumcumque solemnitatum, in eis forsan ex dispositione Juris, vel Statutorum, sive novarum reformationum Urbis circa validitatem donationum in genere, etiam respectu consensuum propinquorum, parentum insinuationis, & testium, ac donationum in subscriptionibus, & in specie

contractuum mulierum, & omnia alia forsan requisitis, omittis, & omittendis, praesertim quo ad dicti Marci Antonii Junioris, & desuper inter Confratres, & Officiales Confraternitatis Sancti Bernardi, ac Ludovicum, Antonium Lanfrancum praefatos, necnon donationis per dictam Magdalenam, aliaque omnia, & singula legata, donationes, instrumenta, testamenta, codicillos, scripturas, documenta, & alia quaecumque quomodolibet facta, & facienda, aliosque defectus, siqui in praemissis omnibus, & singulis, seu eorum aliquo intervenerint, aut intervenire possint quomodolibet in futurum. Inhibentes nunc, & pro tempore existentibus Praesidentibus, & Deputatis Fabricae dictae Basilicae Principis Apostolorum, ac quibusvis aliis officialibus, ministris, & personis cujusvis status, gradus, & conditionis existant, etiam si Cardinalatus honore prafulgeant, ne Priorem, Officiales, & Confratres nunc, & pro tempore existentes, in omnibus, & singulis praemissis, & praesertim super dictis pecuniis per dictum Marcum Antonium Muretum legatis, & per Magdalenam Stroziam donatis, omnibusque, & singulis aliis legatis, donationibus, testamentis, & codicillis pro tempore per quascumque personas quomodolibet, & ex quacumque causa factis, & faciendis, in rebus, vel bonis dictae Confraternitatis quovis quasito colore, vel ingenio, directe, vel indirecte molestare, perturbare, aut inquietare audeant, vel praesumant. Et etiam decernentes omnia, & singula praemissa, ac inde secuta, & inde sequenda quaecumque, valida, & efficacia fore, ac suos plenarios, & integros effectus sortiri, & inviolabiliter ab omnibus observari debere.

§.13. Et sic per quoscumque Judices, & Commissarios, etiam Sanctae Romanae Ecclesiae Cardinales, ac Causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere. Necnon quicquid secus super his a quoquam quavis auctoritate, scienter, vel ignoranter contigerit attentari.

§.14. Quocirca venerabilibus fratribus nostris Patriarchae Alexandrino, ac Marturanensi, & Venusino Episcopis per Apostolica scripta Motu simili mandamus, quatenus ipsi, vel duo, aut unus eorum, per se, vel alium, seu alios praesentes literas, & in eis contenta quaecumque, ubi, & quando opus fuerit, ac quoties pro parte Prioris, Custodum, ac Confratrum praefatorum, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes faciant, auctoritate nostra Priorem, Custodes, & Confratres praefatos, ac eorum singulos, eisdem praesentibus, & in eis contentis quibuscumque pacifice, frui, & gaudere, ac praesentes literas, & in eis contenta hujusmodi ab omnibus, quos illa concernunt, & quomodolibet concernent in futurum, inviolabiliter observari. Non permittentes eos, vel eorum aliquem desuper per quoscumque quo-

Clausula sublata.

Executores hujus Bullae deputatio, & auctoritas.

modolibet indebite molestari. Contradi-
tores quoslibet, & rebelles per sententias,
& censuras ecclesiasticas, ac etiam pecunia-
rias poenas eorum arbitrio imponendas, &
moderandas, aliaque opportuna juris, & fa-
cti remedia, appellatione postposita, compe-
scendo, ac legitimis super his habendis ser-
vatis processibus sententias, censuras, & pœ-
nas ipsas, etiam iteratis vicibus aggravando,
invocato etiam ad hoc, si opus fuerit, auxi-
lio brachii secularis.

Clausula de
regatoriis.

§.15. Non obstantibus de non tollendo
jure quæsto, ac de non concedendo indul-
gentias, & privilegia ad instar, necnon qui-
busvis aliis etiam Pauli Secundi, & Pau-
li Quarti, ac Pii Quinti de rebus ecclesiasti-
cis non alienandis, & male alienatis recupe-
randis, ac quibusvis Constitutionibus, &
Ordinationibus Apostolicis, Cancellariæ
que Apostolicæ Regulis, ac Monasterii, Col-
legii Cisterciensis, & Sancti Benedicti Ordini
hujusmodi statutis, & juramento, confir-
matione Apostolica, vel quavis firmitate
alia roboratis, statutis, & consuetudinibus,
privilegiis quoque, indultis, & literis Apo-
stolicis, tam Monasterio, ac Cisterciensi,
& Sancti Benedicti, quam quibusvis aliis
etiam præfatis dictæ Urbis Monasteriis, &
illorum Ordinibus, Superioribus, Conven-
tibus, & personis, necnon Præsidenti, & De-
putatis dictæ fabricæ, aliisque omnibus, &
singulis Collegiis, Fabricis, Monasteriis, &
locis piis, sub quibuscumque tenoribus,
& formis, ac cum quibusvis etiam derogato-
riarum derogatoriis, aliisque efficaciori-
bus, & insolitis clausulis, irritantibusque
decretis, in genere, vel in specie quomo-
dolibet concessis, etiam si in eis expresse ca-
veatur, quod illis derogari nequeat, nisi de-
rogationes hujusmodi, & causæ in eis forsan
expresse, & specialiter infererentur, ac de
consensu Superiorum, Monasteriorum, Or-
dinum, Collegiorum, Fabricarum, & alio-
rum priorum locorum hujusmodi fierent, &
alias factæ derogationes hujusmodi nemini
suffragentur. Quibus omnibus, & singulis
etiam si pro illorum sufficienti derogatione,
de illis, eorumque totis tenoribus specialis,
specificæ, expressæ, & individua, non autem
per clausulas generales, idem importantes
mentio, seu quævis alia expressio habenda,
aut alia exquisita forma ad hoc servanda fo-
ret, illis alias in suo robore permanfuris,
hac vice dumtaxat harum serie pari Motu
specialiter, & expresse derogamus, contra-
riis quibuscumque. Aut si aliquibus com-
muniter, vel divisim, ab Apostolica sit Se-
de indultum, quod interdici, suspendi, vel
excommunicari non possint per literas Apo-
stolicas non facientes plenam, & expressam,
ac de verbo ad verbum de indulto hujusmo-
di mentionem.

Transumptio-
rum fides.

§.16. Volumus autem, quod earumdem
præsentium transumptis etiam impressis, ac
manu Prioris, seu Visitatorum, aut Custodi-
um, ac Secretarii dictæ Confraternitatis
subscriptis, ac præfati Michaelis Cardinalis
nunc, & pro tempore existentis dictæ Con-
fraternitatis Protectoris, vel ipsius Confra-

ternitatis sigillo munitis eadem prorsus fu-
des in iudicio, & extra illud adhibeatur, quæ
eisdem præsentibus adhiberetur, si forent
exhibite, vel ostensæ. Nulli ergo &c.

Datum Romæ apud Sanctum Marcum,
Anno Incarnationis Dominicæ millesimo
quingentesimo octuagesimo septimo, Id. Ju-
lii, Pontificatus nostri Anno tertio.

D.P. An.III.
13. Julii.

XCIII.

Statutum quod Officia Generalis, Visitato-
rum, Priorum, Vicariorum, & Procura-
torum Congregationis Sancti Georgii
in Alega sint triennialia, & Capitulum
generale celebretur de triennio, in trien-
nium, & in electionibus nulla habeatur
ratio absentium.

Ex Regest. in
Secret. Brev.

SIXTUS PAPA QUINTUS

Ad futuram rei memoriam

AD exequendum nostri Pastoralis Officii
debitum, vigilantibus studiis inten-
dentes, ad ea, per quæ Congregationum
quarumlibet, præsertim personarum sub
suavi Religionis jugo Altissimo famulan-
tium felici successui, ac directioni, ac ip-
sarum personarum opportunis gubernio, &
regimini cum divini cultus incremento va-
leat salubriter provideri, nostræ diligen-
tiæ studium libenter convertimus, ac in
his ejusdem Officii partes favorabiliter im-
partimur, prout in Domino conspiciamus sa-
lubriter expedire.

Procurium.

§.1. Cum itaque, sicut accepimus, ex
veteri consuetudine, & etiam statutis Con-
gregationis S. Georgii in Alga statutum,
& præfate servatum fuerit, ut in omnibus
electionibus, etiam Generalis Prioris ad
eas omnes conventus mittant vota literis
inclusa cujuscumque Canonici obsignata,
ita ut unumquodque Collegium suam lite-
ram cum votis mittat, qui Ritus servatur in
electionibus Socii Capitalaris, & Officia-
lium particularium conventuum, & tamen
vota absentium tantummodo in primo Scruti-
nio olim valebant, in ceteris vero rei-
ciebantur in totum, & quot annis celebra-
tur Capitulum generale, & quando placet
unicuique Collegio, eligitur Socius Capi-
tularis, dummodo eligatur post completas
secundas Visitaciones, & Dignitates in ip-
so Capitulo decretæ non se extendunt am-
plius quam per annum, neque Generalis
Prior, neque Visitatores, & Priores anno
sequenti confirmari, præterquam Prior
S. Salvatoris in Lauro de Urbe nuncupatus,
& S. Mariæ ab Horto Venetiarum quem se-
quentem annum confirmari solebant: Re-
liqui in totum vacabant, & erant contu-
macæ ad prædictas Dignitates, nisi saltem
vacarent ad Prioratum, & Visitatoratum duo-
bus mensibus, & ad Generalatum tribus an-
nis, & si aliquam Ecclesiam per cessum,
vel decessum infra annum contingeret va-
care, Canonici Ecclesiæ vacantis eligebant
unum e Collegio, quem dicunt Socium Capitu-

Causa hujus-
ce edone
Cõstitutiõis.

pitularem, cujus munus est deferre vota
inclusa, & obsignata ad S. Georgium in
Alega, ubi una cum Collegio illius Con-
ventus, & Patribus novem computatis vo-
tis delatis a Socio Capitalari prædicto, per-
ficitur electio Ecclesiæ Vacantis, & subro-
gatio Visitatorum ad Collegium S. Georgii
in Alega cum Patribus novem pertinet. Et
postquam fel. rec. Pius Papa V. Prædecessor
noster Apostolica auctoritate mandaverat,
& ordinaverat, ut in eorum Capitulis tam
Generalibus, quam particularibus celebra-
ndis super electione Prioris Generalis, alio-
rumque Officialium vota absentium secre-
to reciperentur, & quod ipsa vota licet in
primo Scrutinio Capitalari electio, de qua
ageretur, non persiceretur, nihilominus
in omnibus aliis sequentibus Scrutiniis,
prout in primo, & usque ad perfectam ele-
ctionem, firma, & valida permanerent, ac
eamdem vim, & robur haberent, prout in
primo, idem Pius Prædecessor mandato, &
ordinationi hujusmodi, certis de causis tunc
expressis derogando, ut dictorum absentium
vota in totum reciperentur, juxta formam
antiquam Congregationis, ultra primam
vicem, & primum scrutinium, nullam vim,
& robur in aliis sequentibus scrutiniis habe-
rent, sed invalida remanerent, etiam manda-
verit, & ordinaverit, & postmodum pie
me: Gregorius Papa XIII. etiam Prædecessor
noster, simili auctoritate, mandaverit, &
ordinaverit, quod cum Canonici prædictis
in dictis eorum Capitulis tam generalibus,
quam particularibus celebrandis super dicta
electione Prioris generalis, aliorumque Of-
ficialium vota absentium reciperentur, &
ipsa vota non solum in primo, verum in
omnibus aliis sequentibus scrutiniis, & us-
que ad perfectionem Capituli, & electionis
Prioris generalis fienda, eamdem vim, &
robur haberent, firmaque, & valida, prout
in primo scrutinio permanerent, & dicta
vota absentium non reiicerentur, vel com-
burerentur, antequam dicta Prioris genera-
lis electio absoluta non fuisset, prohibuerit.
Ita, quod si durante eodemmet Capitulo ge-
nerali electio Prioris gen. per obitum, vel
cessum nuper electi, aut alias iteranda, vel
pluries habenda fuisset absentium vota sem-
per attenderentur, validaque, & efficacia cum
præsentium in Capitulo suffragiis connume-
rarentur, & ex illis omnibus simul junctis,
& computatis, si quis medietatem excede-
ret, is in primo statim scrutinio Prior ge-
neralis creatus, publicaretur: si nullus vero
medietatem prædictam excederet, tunc
secundo, & tertio scrutinio a Capitalaribus
iterato, connumeratis, & votis absentium
semper in omni scrutinio computatis, qui
plures haberet voces, is Prior generalis ele-
ctus esse censeretur, & si contingeret, ut
omnium vota in partes dividerentur aqua-
les, tunc eo casu, qui in Congregatione an-
tiquior Canonici esset, omnium consensu
Prior generalis designatus esse intelligere-
tur, necnon, ut vota prædicta secreto por-
rigerentur, etiam præceperit, & manda-
verit, ut quicumque votum electivum ha-

Bull. Rom. Tom. IV. Par. IV.

berentium Capitulo generali, vel particulari
personaliter interessent, ibi per suffragia,
& fabas, palliactas, ut vocant, in pixides tes-
tas sua cujusque manu non autem aliena
immitterent, alioquin nulla immittenda
sua vota declararent: Qui vero absentes fo-
rent singuli in singulis schedulis, vel char-
tulis nomen eligendorum in summa char-
tula, suum vero nomen in ima chartula de-
scriberent, quæ chartule ab una parte com-
plicate, ita obsignarentur, & occluderentur,
ut eligentium nomina a nemine profus
sciri possent: eligendorum vero nomina
a scrutatoribus juxta antiquorum Statuto-
rum ejusdem Congregationis formam depu-
tandis legi, notari, & numerari possent, di-
ctaque forma, & in Capitulis Conventuali-
bus, in quibus alia electiones essent fienda,
omnino observaretur, prout in ipsorum
Prædecessorum diversis literis desuper con-
fectis plenius continetur.

§.2. Nos cupientes salubri dictæ Con-
gregationis directioni, & regimini juxta
temporum varietates, ac prout his præfer-
tim temporibus ratio postulat, & exigit,
providere, & ne in hujusmodi Capitulis, &
electionibus, tam generalibus, quam par-
ticularibus per Canonicos prædictos cele-
brandis aliqua fraus, aut vis adhibeatur, sed
illa libere, & canonicè celebrentur, nec
non pro eorumdem Canonicoꝝ commo-
ditatibus, totiusque Congregationis, & il-
lius Monasteriorum minori dispendio, ac
Sacri Concilii Tridentini Decretis inherere
volentes, dictatumque literarum veriores
tenores, præsentibus pro expressis habentes,
ipsosque Congregationes, & Canoni-
cos specialibus favoribus, & gratiis protequi
volentes, Motu proprio, non ad Canonico-
rum, aut Congregationis hujusmodi, aut
alterius pro eis super hoc Nobis oblata peti-
tionis instantiam, sed ex mera voluntate,
certaque scientia nostris, ac de Apostolica
potestatis plenitudine volumus, ac prædicta
auctoritate perpetuo statuimus, & ordina-
mus, quod deinceps perpetuis futuris tem-
poribus, Prioris generalis, Visitatorum,
Priorum, Vicariorum, & Procuratorum
officia, dignitates usque ad triennium se
extendant, & Capitulum generale protraha-
tur, ac celebretur de triennio in triennium,
& electio Sociorum Capitalarium in anno,
quo celebrandum erit, Capitulum generale
fiat ab omnibus in omnibus Conventibus
aliquo ex diebus hebdomadæ incipien. a Sab-
batho Dominicæ Passionis usque ad Sabba-
thum Dominicæ Palmarum, & imposterum
nulla habeatur ratio votorum absentium Ca-
nonicorum, quos tali prærogativa priva-
mus, & tam in electione Generalis, quam
in aliis, ut solummodo habeant Jus eligendi
illi, qui personaliter intererunt electioni,
quodque in posterum prædictum Capitulum
generale omnimodam habeat electionem
Prioris generalis, & aliorum Officialium,
& si per cessum, vel decessum contingerit va-
care aliquam Ecclesiam, tunc temporibus
a jure statutis Prior generalis accedat ad
Conventum Ecclesiæ vacantis, & si ipse ad

Statuta, de
quibus in ra-
bica.

T t 2

illum